



REPUBLIKA E SHQIPERISE  
KOMISIONI QENDROR I ZGJEDHJEVE  
KOMISIONI RREGULLATOR

V E N D I M

P Ë R

LLOJIN DHE KARAKTERISTIKAT TEKNIKE QË DUHET TË PLOTËSOJNË SISTEMET  
DHE PAJISJET E VOTIMIT DHE NUMËRIMIT ELEKTRONIK QË PROKUROHEN DHE  
PËRDOREN NË ZGJEDHJE NË REPUBLIKËN E SHQIPËRISË

Komisioni Rregullator, në mbledhjen e tij të datës 13.11.2020, me pjesëmarrjen e:

Ilirjana	NANO -	Kryetare
Arens	ÇELA -	Anëtar
Dritan	ÇAKA -	Anëtar
Helga	VUKAJ -	Anëtare
Muharrem	ÇAKAJ -	Anëtar

shqyrtoi projekt-aktin:

**OBJEKTI:** Për llojin dhe karakteristikat teknike që duhet të plotësojnë sistemet dhe pajisjet e votimit dhe numërimit elektronik që prokurohen dhe përdoren në zgjedhje në Republikën e Shqipërisë.

**BAZA LIGJORE:** Neni 20, pika 1, germa “e”, neni 22, pika 1 dhe 3, neni 179 pika 1 e Ligjit nr.10019, datë 29.12.2008 “Kodi Zgjedhor i Republikës së Shqipërisë” i ndryshuar.

Nr. 04 i Vendimit

Data 13.11.2020 e Vendimit

Ora 12:00 e Vendimit

Për llojin dhe karakteristikat teknike që duhet të plotësojnë sistemet dhe pajisjet e votimit dhe numërimit elektronik që prokurohen dhe përdoren në zgjedhje në Republikën e Shqipërisë”



Komisioni Rregullator, në zbatim të nenit 20, pika 1, germa “e”, nenit 22, pika 1 dhe 3 dhe nenit 179, pika 1 e Ligjit nr.10.019, datë 29.12.2008 “Kodi Zgjedhor i Republikës së Shqipërisë” i ndryshuar, pasi shqyrtoi raportin e paraqitur nga Grupi i Punës së KQZ të ngritur me Urdhrin nr.82, datë 12/10/2020, dokumentacionin e paraqitur nga administrata e KQZ-së, me qëllim garantimin e procesin e votimit dhe numërimit sipas standardeve më të larta nëpërmjet përdorimit të teknologjisë së informacionit, me propozim të Komisionerit Shtetëror të Zgjedhjeve,

## VËREN

Neni 12, pika 4 e Kodit Zgjedhor përcakton se Komisioni Rregullator (Rregullatori) është organi kompetent për miratimin e akteve me karakter normativ në fushën e zgjedhjeve dhe vendosjen e rregullave për zgjedhjet.

Neni 20, pika 1, germa “e” të ligjit Nr. 10019, datë 29.12.2008 “Kodi Zgjedhor i Republikës së Shqipërisë”, i ndryshuar parashikon kompetencën e Komisionit Rregullator për miratimin e projekt-aktit me karakter normativ, të përgatitur nga administrata e KQZ-së ose nga anëtarët e tij mbi llojin dhe karakteristikat teknike që duhet të plotësojnë sistemet apo pajisjet e teknologjisë së informacionit, që prokurohen dhe përdoren në zgjedhje në Republikën e Shqipërisë.

Neni i 22 dhe 23 të ligjit Nr. 10019, datë 29.12.2008 “Kodi Zgjedhor i Republikës së Shqipërisë”, i ndryshuar, parashikojnë kompetencat e KQZ-së lidhur me teknologjinë në zgjedhje, procedurat dhe vendimmarrja.

Në nenin 179, pika 1 të Kodit Zgjedhor, parashikohet se sistemet apo pajisjet e teknologjisë së informacionit, që do të përdoren në zgjedhje do të implementohen me projekte pilot, të cilat duhet të përfshijnë jo më shumë se 20 përqind të zgjedhësve, duke filluar nga zgjedhjet e para pas hyrjes në fuqi të këtij ligji.

Për përmbushjen e detyrimeve ligjore që rrjedhin nga dispozitat sipërcituar, administrata e KQZ ka përgatitur projekt-aktin mbi llojin dhe karakteristikat teknike që duhet të plotësojnë sistemet dhe pajisjet e votimit dhe numërimit elektronik që prokurohen dhe përdoren në zgjedhje në Republikën e Shqipërisë.

## PËR KËTO ARSYE

Komisioni Rregullator, bazuar në nenin 12, nenin 20, pika 1, germa “e” nenin 22, neni 23, nenin 179, pika 1, të ligjit Nr. 10019, datë 29.12.2008 “Kodi Zgjedhor i Republikës së Shqipërisë”, i ndryshuar,

## V E N D O S I:

1. Në zgjedhjet për Kuvendin të datës 25 Prill 2021, procesi i votimit dhe numërimit të votave, ku do të zbatohen projekte pilot, të cilat duhet të përfshijnë jo më pak se 10 përqind dhe jo më shumë se 20 përqind të zgjedhësve, do të kryhet me anë të sistemit dhe/ose pajisjeve elektronike, sipas përcaktimeve të këtij vendimi.

Nr. 04 i Vendimit

Data 13.11.2020 e Vendimit

Ora 12:00 e Vendimit

Për llojin dhe karakteristikat teknike që duhet të plotësojnë sistemet dhe pajisjet e votimit dhe numërimit elektronik që prokurohen dhe përdoren në zgjedhje në Republikën e Shqipërisë”



2. Për votimin dhe numërimin elektronik do të implementohet Sistemi Elektronik i Menaxhimit të Votimit dhe Rezultateve (SEMVR) dhe do të përdoren Pajisje Elektronike të Votimit dhe Numërimit (PEVN).
3. Sistemi, nëpërmjet PENV-ve, do të realizojë votimin elektronik si dhe përlllogaritjen e saktë dhe të shpejtë të rezultatit në nivel Qendre Votimi pas mbylljes së procesit të votimit përkatësisht në secilën QV.
4. Procesi i votimit dhe numërimit elektronik duhet të bazohet/respektojë të njëjtat parime votimi dhe numërimi, sikurse kryhet në kushte manuale, si dhe të sigurojë qartësi dhe lehtësi përdorimi për votuesin.
5. SEMVR duhet t'i garantojë KQZ-së një mjet të sigurt për të konfiguruar, organizuar dhe mbikëqyrur procesin e votimit dhe numërimit elektronik.
6. SEMVR duhet të operojë në pajisje dhe në rrjet të dedikuar e të paaksesueshëm dhe të jetë e vendosur në mjediset e KQZ-së. SEMVR duhet të mundësojë konfigurimin e plotë të Pajisjeve Elektronike të Votimit dhe Numërimit (PEVN), si edhe qendërzimin e të dhënave në mënyrë të sigurt nga të gjitha PEVN.
7. SEMVR duhet të mundësojë konsolidimin dhe nxjerrjen e rezultatit pas mbylljes së votimeve dhe marrjes së rezultateve të qendrave e votimit nga çdo PEVN.
8. Pasi ka dalë rezultati sipas pikës 7 të këtij vendimi në QV ku është implementuar sistemi, ofruesi i implementimit të sistemit duhet të mundësojë integrimin e rezultatit të shpallur në qendrat ku janë përdorur PEVN me rezultatet e qendrave të votimit ku nuk janë përdorur PEVN.
9. Ofruesi i implementimit të sistemit dhe furnizimit të pajisjeve duhet të garantojë mirëmbajtjen e sistemit dhe furnizimit të pajisjeve (përfshirë zëvendësimin e PEVN brenda 2 orësh).
10. Implementimi i SEMVR duhet të sigurojë që:
  - a. Qendra e Votimit duhet të jetë e pajisur me të paktën dy PEVN.
  - b. Procesi i identifikimit dhe procesi i votimit dhe numërimit elektronik janë tërësisht të ndarë prej njëri tjetrit për të pamundësuar lidhjen e votuesit me votën. Gjithashtu nuk duhet të ketë komunikim apo shkëmbim të dhënash midis pajisjeve elektronike të identifikimit (PEI) dhe pajisjeve elektronike të votimit dhe numërimit (PEVN).
  - c. Sistemi duhet të garantojë plotësisht integritetin e të dhënave që ruhen në pajisje. Çdo votë në PEVN duhet të ruhet në dy memorie fizike të veçanta, por pjesë të pajisjes, pa referenca kohore dhe duhet të garantohet me standardet më të larta të fshehtësisë. PEVN i garanton votuesit konfirmimin e votës nëpërmjet shfaqjes së saj në ekran. PEVN do të mundësojë versionin elektronik dhe versionin fizik të votës. Versioni fizik i votës do të printohet dhe do të bjerë në kutinë e montuar në pajisje.
  - d. Ekranin me prekje të PEVN duhet të ketë përmasa të mjaftueshme për t'u përdorur lehtësisht nga votuesi dhe të pamundësojë për aq sa është e mundur, fotografimin e votës.



Nr. 04 i Vendimit

Data 13.11.2020 e Vendimit

Ora 12:00 e Vendimit

Për llojin dhe karakteristikat teknike që duhet të plotësojnë sistemet dhe pajisjet e votimit dhe numërimit elektronik që projektohen dhe përdoren në zgjedhje në Republikën e Shqipërisë

- e. PEVN duhet të garantojë prodhimin fizik të raporteve, sipas kërkesave të KQZ-së.
  - f. PEVN duhet të jetë një pajisje plotësisht e integruar, pa komponentë të jashtëm e cila mund transportohet dhe të vendoset në punë lehtësisht. PEVN duhet të pamundësojë çdo ndërhyrje të paautorizuar ndaj çdo komponenti të brendshëm ose porte komunikimi, duhet të jetë fizikisht e mbyllur dhe e siguruar me vula sigurie. Kutia që mban dokumentin e printuar sipas parashikimit të germës “c” të pikës 10 të këtij vendimi duhet të sigurojë integritetin fizik të saj nga ndërhyrje të paautorizuara.
  - g. PEVN duhet të veprojë në mënyrë autonome dhe pa u lidhur në rrjetet e komunikimeve elektronike.
  - h. PEVN duhet të:
    - i. Aktivizohet për çdo votues nga ana e Komisionerit të QV-së.
    - ii. Mbyllet automatikisht pas votimit të çdo votuesi.
    - iii. Shfaqë qartë fletën e votimit sipas modelit të miratuar nga KQZ-ja.
    - iv. Mundësojë që zgjedhësi të votojë në përputhje me parashikimet e Kodit zgjedhor.
  - i. PEVN duhet të ketë bateri për të operuar përgjatë gjithë procesit të votimit dhe numërimit, të pavarur nga energjia elektrike.
  - j. Në rastet kur procesi i votimit ka më shumë se një votim (zgjedhje të përgjithshme, zgjedhje vendore, referendum etj.), votuesit do t’i jepet mundësia të votojë me radhë për secilin nga llojet e votimit.
  - k. Votuesit duhet t’i mundësohet verifikimi dhe konfirmimi i çdo zgjedhjeje të bërë, përfshirë dhe konfirmimin e verifikimit të versionit fizik të votës si dhe kutia të mundësojë për aq sa është e mundur, fotografimin e votës.
  - l. Votuesit dhe komisioni nuk duhet të kenë akses në pajisje dhe as në kutinë e ruajtjes së dokumenteve të PEVN.
  - m. Në përfundim të procesit të votimit dhe mbas inicimit të mbylljes së votimit nga komisioni, PEVN do të përlllogarisë rezultatin dhe do të printojë procesverbalin e rezultatit të QV-së.
  - n. PEVN do të mundësojë përcjelljen në mënyrë të sigurt të rezultatit në sistemin qendror pranë KQZ-së.
  - o. PEVN duhet të mundësojë votimin e votuesit të verbër, duke garantuar fshehtësinë e votës.
11. KQZ-ja për të garantuar besueshmërinë dhe integritetin e procesit, verifikon sistemin sipas nenit 22, pika 7 të Kodit Zgjedhor.
12. Me qëllim implementimin dhe përdorimin e sistemit elektronik të votimit dhe numërimit, në zgjedhjet për Kuvendin të datës 25 prill 2021, duke marrë në konsideratë kohën e shkurtër në dispozicion të KQZ-së si dhe referuar parashikimit ligjor të nenit 179, pika 1 dhe 3 të Kodit Zgjedhor, Autoriteti Kontraktor mund të përdorë procedurën e prokurimit të parashikuar në nenin 33, pika 2, germa “c” të ligjit nr. 9643 datë 20.11.2006 “Për Prokurimin Publik” i ndryshuar.



Nr. 04 i Vendimit

Data 13.11.2020 e Vendimit

Ora 12:00 e Vendimit

Për llojin dhe karakteristikat teknike që duhet të plotësojnë sistemet dhe pajisjet e votimit dhe numërimit elektronik që prokurohen dhe përdoren në zgjedhje në Republikën e Shqipërisë

*(Handwritten signatures in blue ink)*

13. Për zbatimin e këtij vendimi ngarkohet Komisioneri Shtetëror i Zgjedhjeve, i cili i paraqet kërkesën Këshillit të Ministrave për alokimin e fondeve në zbatim të nenit 179, pikës 2 të Kodit Zgjedhor.
14. Kundër këtij vendimi mund të bëhet ankim në Kolegjin Zgjedhor të Gjykatës së Apelit Tiranë, brenda 5 ditëve nga shpallja e këtij vendimi.
15. Ky vendim hyn në fuqi menjëherë dhe publikohet në faqen zyrtare të KQZ-së.

**Ilirjana NANO -**

**Kryetare**



**Arens ÇELA -**

**Anëtar**




**Dritan ÇAKA -**

**Anëtar**



**Helga VUKAJ -**

**Anëtare**



**Muharrem ÇAKAJ -**

**Anëtar**

